

*Խ. Աբուխանի անվան հայկական պետական մանկավարժական համալսարանի  
հոգեբանության փեսության և պայմանության ամբիոնի դասախոս,  
հոգեբանական գիտությունների թեկնածու*

**ԱՆՁԻ ԿԱՌՈՒՑՎԱԾՔԻ ԲԱՂԱԴՐԻՉՆԵՐԻ ՆԵՐԴԱՇՆԱԿ  
ՓՈՒՍԱԶԴԵՑՈՒԹՅՈՒՆԸ ԵՎ ՀՈԳԵԲԱՆԱԿԱՆ ԱՆՎՏԱՆԳՈՒԹՅՈՒՆԸ**

Հոդվածում ներկայացված է անձի հոգեբանական անվտանգության նշանակությունը ապահով միջավայրի ձևավորման գործընթացում: Կյանքի և կեսագործունեության համար բարդ և վտանգավոր պայմաններում հոգեբանական անվտանգության խնդիրը ենթադրում է այնպիսի հոգեբանական մեթոդների և հնարքների կիրառում, որոնք վերոհիշյալ պայմաններում կապահովեն հոգեբանական պաշտպանվածություն, կյանքի որակի կայունություն և բարելավում:

Անդրադառնալով անձի հոգեբանական անվտանգությանը հոդվածում առաջ է քաշվում ենթադրություն, որ որքան համահունչ են փոխազդում միմյանց հետ անձի բաղադրիչները, այնքան ներդաշնակ է զգում իրեն անձը և այդքանով ապահովված է անձի հոգեբանական անվտանգությունը:

**Հանգուցային բառեր և արտահայտություններ՝** հոգեբանական անվտանգություն, անձի բաղադրիչ, սպառնալիք, վտանգ, հոգեբանական պաշտպանվածություն:

Անձի հոգեբանական անվտանգության հիմնախնդիրը ուսումնասիրվում է գիտության տարբեր բնագավառներում՝ մասնագիտական գործունեություն, հանրային անվտանգություն, անձի հոգեբանություն, ընտանիքի հոգեբանություն և այլն: Կյանքի և կեսագործունեության համար բարդ և վտանգավոր պայմաններում հոգեբանական անվտանգության խնդիրը ենթադրում է այնպիսի հոգեբանական մեթոդների և հնարքների կիրա-

ռում, որոնք վերոհիշյալ պայմաններում կապահովեն հոգեբանական պաշտպանվածություն, կյանքի որակի կայունություն և բարելավում:

Թեմայի արդիականությունը պայմանավորված է հանրության միջավայրում հուզական լարվածության խիստ մեծացմամբ, ինչը տեղի է ունենում աշխարհաքաղաքական, սոցիալտնտեսական, համամարդկային, ազգային և անձնային արժեքների սրընթած փոփոխմամբ: Այս գործընթացում ներգրավված են մարդկային գործունեության գրեթե բոլոր բնագավառները՝ աշխատանքային, կրթական, առողջապահական, ընտանեկան:

Մարտահրավերները հաջորդում են մեկը մյուսին այնպիսի արագությամբ, որ երբեմն գրեթե անհնարին է լինում հարմարվել այդ փոփոխություններին: Մասնագիտական գրականության վերլուծություններն ու մեր կողմից կատարված հետադոստությունները ցույց են տալիս, որ վերջին ժամանակներս ավելի հաճախակի են դարձել մարդկանց անպաշտպանվածության, անապահովության, անվստահության ու ավելորդության զգացումները:

Անձի հոգեկան համակարգում տեղի ունեցող այսպիսի փոփոխությունները միջնորդավորված արտահայտումներն են նրա հոգեկանի ենթակառուցների գործառությանի տեղաշարժերի վերաբերյալ, որոնք դրսևորվում են համակարգության ՝ գործունեության արդյունավետության անկմամբ: Անձի հոգեբանական կառուցվածքի խնդիրը կարևոր տեղ

է գբաղեցնում անձի հոգեբանության տարբեր բնագավառների մասնագետների ուսումնասիրություններում: Շատ աշխատություններում (մասնավանդ մանկավարժական) անձի կառուցվածքի բաղադրիչներից առանձնացնում են հետևյալ կարևորները՝ մոտիվացիոն, մտածական, գործունեական և «Ես» կառուցվածքի բաղադրիչները:

Առաջին բաղադրիչը (դրդապատճառայինը) անձի կառուցվածքում բնորոշում է անձի ուղղվածությունը որպես ընտրողական վերաբերմունք իրականությանը, ընդգրկելով պահանջմունքների և հետաքրքրությունների փոխազդող հատկությունների կուռ համակարգը: Այն դեպքում, երբ ուղղվածության բաղադրիչները գերակշռող են, դոմինանտ են և ունեն առաջատար նշանակություն, մյուսները (բաղադրիչները) ստանձնում են օգնող, աջակցող դերեր: Ուղղվածության դոմինանտ բաղադրիչները հանդիսանում են անձի հոգեկան գործունեության ակտիվությունը բնորոշող ենթակառուցվածքներ: Այսպես օրինակ՝ ճանաչողական պահանջմունքների գերակայությունը խթանում է հուզականային գործընթացները, ինչն էլ ակտիվացնում է իտելեկտուալ գործունեությունը Հոգեբանական պաշտպանական մեխանիզմների ակտիվացմամբ բնական պահանջմունքները մեղմանում են, ամենօրյա կենցաղային խնդիրները անցնում են երկրորդային պլան, անձը սկսում է հիմնավորել սեփական հետաքրքրությունների արդյունավետությունը տալով դրանց հանրային և անձնային կարևորություն/ ազդեցություն գացիա:

Անձի կառուցվածքի երկրորդ՝ ինտելեկտուալ բաղադրիչը որոշում է անձի հնարավորությունները և ներառում ընդունակությունների այն համակարգը, որոնք ապահովում են գործունեության արդյունավետությունը: Ընդունակությունները փոխկապակցված են միմյանց հետ: Որպես կանոն, ընդունակությունների որոշ

խումբ գերակայում են, մյուսները՝ ենթարկվում: Ընդունակությունների վրա անմիջական ազդեցություն է ունենում անձի ուղղվածությունը:

Որպես անձի կառուցվածքի երրորդ բաղադրիչ ընդունված է համարել բնավորությունը՝ հանրային միջավայրում մարդու վարքի դրսևորումը, անձի ոճը: Բնական է, որ բնավորությունը չի բնութագրում անհատին ամբողջովին, սակայն այն իրենից ներկայացնում է անձնային հատկությունների՝ իտելեկտուալ, բարոյական, հուզականային, տիպոլոգիական առանձնահատկությունների բարդ համակարգ, որոնք արտահայտվում են խառնվածքի միջոցով:

Բնավորության համակարգում կարելի է առանձնացնել գերակայող հատկությունները: Դրանցից են բարոյականությունը (հարաբերություններում նրբանկատությունը, ազնվությունը սեփական պարտավորությունների նկատմամբ, պատասխանատվությունը, համեստությունը), կամային հատկությունները (վճռականությունը, հաստակամությունը, ինքնատիրապետումը, արիականությունը), որոնք ապահովում են վարքի դրսևորման որոշակի ոճ և գործնական խնդիրների լուծման յարահատուկ մոտեցումներ: Այդ իսկ պատճառով կարելի ասել, որ բնավորության իրական հիմք են կազմում բարոյականային հատկությունները: Վերջապես հաջորդ բաղադրիչը՝ «ԵՄ» կառույցը, ինչը կարելի համարել որպես հոգեկանի վերնակառույց, որը պասխանատու է անձի ինքնագիտակցության համար և իրականացնում է ինքնակառավարում՝ գործունեության ուժեղացում և թուլացում, վերահսկողություն, արարքների և գործողությունների կարգավորում, կյանքի և գործունեության կանխատեսում և պլանավորում:

Անդրադառնալով անձի հոգեբանական անվտանգությանը հարկ ենք համարում ենթադրել, որ որքան համահունչ են փոխազդում միմյանց հետ

անձի բաղադրիչները, այնքան ներդաշնակ է զգում իրեն անձը և նույնքանով ապահովված է նրա հոգեբանական անվտանգությունը:

Մարդկության զարգացման ամբողջ ճանապարհին մարդուն մշտապես շրջապատել և ուղեկցել են տարաբնույթ վտանգները, որոնք ժամանակի ընթացքում ոչ միայն չեն պակասել, այլև ավելացել են: Ժամանակակից գիտությունները հերքեցին բացարձակ անվտանգության գաղափարը, մոտենալով «ընդունելի ռիսկայնություն» հասկացության գաղափարին: Կենսագործունեության ընթացքում բացարձակ անվտանգություն չի կարող լինել, միշտ առկա է հնարավոր վտանգը: Սակայն ռիսկը / հնարավոր վտանգը/ կարող է լինել ոչ միայն ընդունելի, սահմանամերձ, այլև արտագարգ, որը վտանգավոր է օբյեկտի կայուն կենսագործունեության և զարգացման համար:

Ռիսկը՝ համակարգի հետ առնչվելու, դրանում մուտք գործելու գերակայող ցանկության այնպիսի վիճակն է, որտեղ ի սկզբանե հնարավոր չէ ապահովել, կանխատեսել ինչպես երևույթի հավանական փոփոխությունների, այնպես էլ անձի հոգեֆիզիոլոգիական համակարգերի գործառնական հնարավորությունների, դրանց հավանական փոփոխությունների հստակ բնութագրերը, վերջնական արդյունքները:[1].

Ռիսկ, կամ հնարավոր վտանգ հասկացության դասական ըմբռնումը ամբիվալենտ է, հավանական սպառնալիքը, վտանգը հոգեկան կոնկրետ համակարգության կողմից նախատրամադրված ընտրությունն է հնարավորության և սպառնալիքի միջև որը դիտարկվում է որպես մարդու համար ապակառուցողական հակադիր ուժերի (գործոնների) ազդեցություն[4]: Վտանգները կրում են առօրեական բնույթ, և դրանց ազդեցությունը իրականանում է որոշակի պայմաններում: Գիտակցության առանձնահատկություններից է այն, որ

վտանգավոր իրավիճակին հաճախ չի տրվում գերակա նշանակություն, քանի որ այն կրում է հավանական բնույթ:

Գրականության ուսումնասիրությունը հնարավորություն է տալիս պնդել, որմարդու վարքային դրսևորումները հիմնված են անվտանգության մասին մի ամբողջ պատկերացումների համակարգի վրա: Այս տեսանկյունից՝կարևոր է Ֆ.Կ. Մուգուլովի այն գաղափարը,որ «Անվտանգության ընդհանուր բնորոշումը կարելի է որոշել որպես օբյեկտի կայուն պաշտպանված վիճակ՝ տարբեր տիպի սպառնալիքներից ու վտանգներից, որոնց ազդեցությունը կարող է բացասական ազդեցություն ունենալ օբյեկտի կառուցվածքային և գործառնության ամբողջությանը, հասցնելով վերջնական քայքայման կամ անվերահսկելի փոխակերպման այլ որակի օբյեկտի:է [3].Ա.Լ. Ռոմանովիչը գտնում է, որ անվտանգությունը օբյեկտի (երևույթի, գործընթացի) «ունակությունն» է պահպանել իր համակարգակարուցողական հատկություններն ու հիմնական բնութագրերը արտաքին և ներքին վնասակար քայքայիչ ազդակներից [5]:

Վերլուծելով գիտական գրականությունը կարելի է եզրահանգել, որ անվտանգությունը որպես գիտական կատեգորիա օբյեկտի նկատմամբ դիտվում է որպես՝

Օբյեկտի և նրա կենսագործունեության (ակտուալ և իրադրային) որոշակի վիճակ:

Օբյեկտի հետաքրքրությունների պաշտպանվածության մակարդակ:

Համակարգի բավարար հնարավորություններ սպառնալիքների և վտանգների կանխարգելման և հաղթահարման համար

Օբյեկտի անվտանգ ու կայուն զարգացման որակական բնութագիր, ներառելով անհատի կայուն անձնային կառույցները:

Անհրաժեշտ է ընդունել, որ Անվտանգության վիճակը միշտ սուբյեկտիվ է,

Տարբեր մարդկանց կողմից նույն իրավիճակը վերապրվում է յուրովի: Հաճախ պաշտպանվածության կորուստը, որը հանգեցնում է ամբողջականության խախտմանը, անկայունությանը, չի նշանակում համակարգի քայքայում: Որոշակի հանգամանքներում այն կարող է նպաստել զարգացման գործընթացին, բնութագրերի որակական փոփոխմանը, նոր պայմանների սեղծմանն ու միջավայրի հետ փոխազդմանը և հետևաբար՝ անվտանգության ձևավորմանը [2]:

Անձի հոգեբանական անվտանգության խնդիրը բազմավոդնոյակ է և բազմաբնույթ: Այս խնդրի վերաբերյալ ցանկացած քննարկում, ցանկացած ուղղություններով ենթադրում է անձի հարաբերությունների ուսումնասիրում շրջակա միջավայրի հետ, փոխներգործող կապերի հետազոտություն միջավայրի փոփոխականների և անձի հոգեբանական բնութագրիչների միջև, կարողությունների առկայություն տարբեր սպառնալիքների հանդեպ պատրաստակամ լինելու, համապատասխան միջոցներ հայթհայթելու և վտանգին դիմակայելու համար:

Հոգեբանական անվտանգությունը հիմնված է սեփական զգացողությունների վրա, ուղղված լինելով դեպի հոգեկան առողջության պահպանմանը: Անվտանգության սպառնալիքների աղբյուր են հանդիսանում հենց անձի հոգեկանի առանձնահատկություններ, հոգեբանական բնութագրերը:

Հոգեբանական անվտանգությունը կարելի է դիտարկել որպես անձի կողմից ռեալ իրականության սուբյեկտիվ ընկալումը իր հնարավորությունների և պահանջմունքների համադրության (հակադրության) արդյունքի համատեքստում:

Օբյեկտի կայուն կենսագործունեության համար անհրաժեշտ պայման է անձի անվտանգությունը: Այն ապահովում է ֆունկցիոնալ հարմամարավետություն, արտակարգ գործոնների բա-

ցասական ազդեցության չեզոքացում, պահանջմունքաշարժառիթային մեխանիզմների կայունություն, սոցիալական հարաբերությունների կարգավորում, հոգեֆիզիոլոգիական գործընթացների կանոնավորում: [6].

Պատրաստել մարդուն գործելու վտանգավոր իրադրություններում՝ կնշանակի ստեղծել պայմաններ նրա համար յուրացնելու ոչ միայն համապատասխան վարքային մոդելներ, այլև մշակել, ձևավորել ու զարգացնել համապատասխան անձնային հատկություններ ու որակներ, որոնք կօգնեն նրան իրացնել այդ վարքային դրսևորումները:

Ըստ էության հոգեկան առողջության միջուկը անձնային հատկությունների համակարգն է: Այն ժառանգականության, դաստարակության ու ինքնազարգացմանը միտված գիտակցված գործունեության արդյունք է:

Տվյալ խնդիրը հետազոտող մասնագետները պնդում են, որ միայն անվտանգության պահանջմունքի բավարարումից հետո է հնարավոր ապահովել անձի զարգացման մղումները: Անապահով միջավայրում անձի մոտ ձևավորվում են պաշտպանական մեխանիզմներ՝ ծնելով դիմադրություն, որն էլ կարող է լինել արտաքին և ներքին: Արտաքին. երբ խաթարվում են ընդհանուր ընդունված նորմերն ու կանոնները՝ առաջացնելով անհնազանդության, տարբեր վարքյին դրսևորումներ, ագրեսիա և այլն: Ներքին՝ երբ առկա է հեռացում միջանձնային շփումներից, ինքնաքննադատություն, ինքնախաբազանում, աուտագրեսիա, բացասական վերաբերմունք ինքն իր նկատմամբ: Այս հակադրությունն ու դիմադրությունը խաթարում է միջանձնային հարաբերությունները՝ քայքայելով մասնակից անձանց հոգեկան անդորրը:

Երկարատև հուզական լարվածությունը, հոգեբանական անպաշտպանվածության վերապրումը դրդում է

անհատին ապակառուցողական ելքի հոգետրավմատիկ իրավիճակից՝ մղելով նրան այնպիսի դիրքորոշումների, որոնք անձի ենթակառույցների յուրահատուկ փոփոխությունների արդյունք է («Ես կյոնցեպցիայի» քայքայում, անարդյունավետ, երբեմն էլ վտանգավոր վարք և գործունեություն, մտածական գործընթացների դանդաղում և այլն):

Անվտանգ պայմանների ստեղծման արդյունքնում անհատի կողմից կարևորվում են իր հնարավորությունները, կայունանում հանդուրժողականությունը կյանքի դժվարին պայմանների, կոնֆլիկտների նկատմամբ:

Հոգեբանորեն պաշտպանված անձը գիտի վտանգների տարբեր աղբյուրների մասին, սակայն համոզված է, որ միշտ առկա են նախադրյալներ վտանգավոր իրավիճակների կանխարգելման և հաղահարման համար:

Ազդակը, որը առաջացնում է հոգեբանական անվտանգության օպտիմալ մակարդակի խաթարում՝ առաջացնում է բացասական հոգեբանական ապրումներ, ձևավորելով կամ ակտիվ հակազ-

դում՝ պայքար սպառնալիքի աղբյուրի դեմ (լարվածություն, կատաղություն և այլն), կամ պասսիվ դրսևորում՝ ընկճվախություն, մեղքի զգացում, երգչոտություն: Երկարատև սթրեսային ծանրաբեռնվածությունը, սպառնալիքի սպասումը ի վերջո առաջացնում է նյարդային համակարգի հյուծվածություն՝ առաջացնելով սոմատիկ և ֆունկցիոնալ խանգարումներ ու հիվանդություններ:

Հոգեբանական անվտանգության խնդրից զուրկ չէ նաև կրթական բնագավառը: Ուստի կարևոր ենք համարում ոչ միայն ուսումնասիրել գիտական գրականություն վերաբերող կրթական համակարգում աշակերտների և ուսանողների (այդ թվում կրթության առանձնահատուկ պայմանների կարիք ունեցող աշակերտների) հոգեբանական անվտանգությանը, այլև իրականացնել հետազոտություն այս բնագավառում՝ մշակելու, վեր հանելու անհրաժեշտ պայմաններն ու հոգեկան անվտանգության բաղադրիչները, որոնք բնորոշ են մեր իրականությանը:

### **Պրակտություն**

1. Краснянская Т.М. Безопасность человека: психологический аспект: учебное пособие / под ред. А.В. Непомнящего. Ставрополь: ЗАО Пресса, 2005.стр 10
2. Краснянская Т.М. Безопасность человека: психологический аспект: учебное пособие / под ред. А.В. Непомнящего. Ставрополь: ЗАО Пресса, 2005. 216]:
3. Мугулов Ф.К. Безопасность личности: теоретические и прикладные аспекты социологического анализа: монография. Сочи: РИО СИМБиП, 2003. 14, с. 45].
4. Никитин С.М., Феофанов К.А. Социологическая теория риска в поисках предмета // Социологические исследования. 1992. № 10. С.120- 127.
5. Романович А.Л. Развитие и безопасность социоприродных систем: философско-методологический анализ: дис ... д-ра. филос. наук М: ПГБ. 418 с. URL: <http://dis/rsl.ru/diss/03/1081/031081008.pdf> (Дата обращения: 20.06.2007).
6. Шлыкова Н.Л. Психологическая безопасность субъекта профессиональной деятельности. Тверь: ООО Триада, 2004.. 12 с, 151 с.].

## ГАРМОНИЧНОЕ ВЗАИМОДЕЙСТВИЕ СОСТАВНЫХ СТРУКТУРЫ ЛИЧНОСТИ И ПСИХОЛОГИЧЕСКАЯ БЕЗОПАСНОСТЬ

**АРМЕН БЕДЖАНЯН**

*Преподаватель кафедры теории и истории психологии Армянского государственного педагогического университета им. Хачатура Абовяна, кандидат психологических наук*

Статья посвящена определению места экстремальных ситуаций в общей системе исследований по психологическим аспектам безопасности.

Проведен психологический анализ экстремальной ситуации, ее воздействия на психику и поведение человека. Безопасность рассматривается как ключевое понятие в социальной и научной оценке обсуждаемой проблемы. Психология безопасности рассмотрена как системная область психологического знания, в которую как один из разделов входит психология экстремальной ситуации.

## HARMONIOUS INTERACTION OF HUMAN BODY PARTS AND PERSONALITY'S PSYCHOLOGICAL SAFETY

**ARMEN BEJANYAN**

*Lecturer of the Chair of Theory and History of Psychology, ASPU, PhD in Psychology*

The article seeks to identify the place of extreme situations in the general system of investigations on psychological aspects of security. A psychological analysis of the extreme situation, its influence on mentality and people behavior is given. The security is regarded as the key conception in social and scientific evaluation of the problem. Security psychology is regarded as a systematized field of psychological knowledge the component of which is considered psychology of extreme situations.